

耄

餘

詩

話

耄餘詩話卷之九

余從西庵借閱藏經。有不用臨川金漆版。只須片紙借來

看之。句。閱久而悟徹等韻之學。有溪上思二首。用松茂唱和某體即

次其韻云。殘樵從驟晴。豔野有送雨。水深失瘦沙。纜繚留來

槽。卑柏邊迸波。冷蓮裏流浪。蟾上若朱提。蝶停同貽盞。又

四首。用前體不次韻云。森茫名每迷。空濶豈堪跨。舊殺懼橋窮。高

竿驚閣架。載酒進尖漿。真珠濺隻舟。怪鬆雪叢碎。款乃烟

影幽。淒清粲翠草。浩瀚銜紅荷。籠離鷺立斂。岸仰魚喞俄。

奮發風方飛。悠揚雲欲曳。頰當點滴多。重值躊躇滯。此乾

隆壬午冬作也。裴文達公見之。笑為入魔。錢文敏公見之。

許其神解。兩夫子一進一退。要皆知愛之深也。然不過偶一為之。已丑後銳意著述。吟事遂疎。每有題贈應酬。輒以雙聲塞其請。十二年間。共得數十首。不自收拾。庚子後亦不復為矣。

宋半塘夫子丙子分校秋闈。得秀水盛晴川百二馳札。召余云。君精字母韻學。今之潘稼堂也。盛君精天文算法。今之梅定九也。不圖兩賢出我門下。乞即理榷快晤。何如。余隨上省。訂交夫子。詩有門牆添二妙。著述各千秋句也。丙戌相見於京邸。君方為查韞輝學業師。是科查入詞林。而君仍不過戊戌。君年六十。余以雙聲詩寄祝云。椒酒將瑯

醉韶辰壽碩儒。炳彪編本博。隱約意優迂。久敬孤高客。尚
題滄蕩圖。稱稱呂熾處。華皓繪懸弧。時余垂死病。起不能
構思也。次年君卒於濟南書院。君著有尚書釋天六卷。袖
室筆譚四卷。行世。

乾隆壬辰蕭山江龍莊輝祖客縣署中。貽長箋及母王徐
兩孺人雙節事畧。乞先兄及余撰文。先兄計偕未歸。余為
撰傳。又代撰墓誌銘各一首。君來謁謝母喪未除。藥藥毀
瘠。自言不幸少孤。習法家言。恪遵母訓。以求其生。而不得
則死者與我皆無恨也。二語為法詞。畢涕淚俱下。求所以
表章母節者。余心竊重之。甲午劉令雁題。調任當湖。仍音

問不絕。戊戌余垂死病起得君書以冊乞詩時君已乙未
成進士矣。余不能構思作雙聲四言六韻云。旌節雙書冰
藥同調。龜勉淑慎。皎潔清操。隣里教敷。孤寡顯孝。顯頤辛
酸。通天必報。鄭重昭彰。似續相肖。金閨特達。冠古榮耀。君
修函報謝。循後進禮。如初嗣後。執訊不復。相通矣。嘉慶初
聞君謁選得美除。宦成歸里。藏書甚富。著述頗多。兩年前
聞君卒。長郎甲科分部。次郎旋登乙科。此固天所以報若
節。亦可為習法家言而存心種德之勸云。

海鹽吾子與孝廉。淵源家學弱冠高科。盛有文譽。嘉慶
戊午余掌教至鹽。識其從群。德沛德寧。知君尚客金陵也。

癸亥五月君袖刺過齋請受業門下講求音韻之學余感
其意授以劉氏指南詳論字母翻切之理及讀等韻之法
君欲假館安瀾書院一兩月時管院無人收爰不使因即
別去別後余寄詩二首云不樂親民願讀書。高風兩海更
誰如。回頭猛憶從前錯。墮落紅塵一載餘。君大抵一等景
願就教職景
迫崦嵫只自愁。區區絕學抱千秋。抗顏兩字吾何畏。敢友
推君出一頭。丙寅祠竈日大風雪中君自杭紆道來寧弔
唁知已銓得開化自言等韻大有悟入處而疑實甚多無
從質正余贈音學三書一部即口占絕句送其之任云三
衢行見旅人文。教法蘇湖共羨君。他日相思姑蔑路。千山

紅樹萬山雲。方處士干句又癸亥仲冬南昌余升庵明經用序

弇洲後五子德甫先生之後也亦請辨十六母余嘉其禮
意殷勤授以韓道昭五音集韻首冊細為講解隔數日輒
一來君用心專壹儼乎若思茫乎若迷廢寢忘餐同儕莫
不匿笑甲子新正三日即來告別自信言什悟六七余賦詩
送之有何日譚音韻重來海上城之句。彈指六載未知造
詣何如也使海內讀書者盡如二君則余抱不傳之絕學
何患其無傳人耶。

四五年前法時帆式善選詩陳晴巖傳經索余作余以七
古長篇寄之復索律絕未暇寄也余於天文算法素本茫

如年踰耳順始行學習先從各史志參考復究心我
朝時憲法但苦無師授寢食俱廢者年餘始覺有悟入處
頗能雅交食有驗矣因喜而作放歌行題梅氏叢書後云
我聞遂古之初盤古氏萬八千歲日長一丈長方止天分
九野九千九百九十有九腸去地懸五億萬里南樞入地
杵可倚大荒之中羲和浴日常儀浴月如健子拒格扶紆
青霓風怒飛起晝夜不得寐眈眈雙眼似老者云鬱華與
結璘佛者云修利與蘇摩佛老誕謫迺如此衆星孛生盡
仍耳三垣四宮二十八舍何繁紫五老遊河渚甲圖獻瑞
喜夏時兩南門先于呂覽紀米鹽海中占石甘巫劉荊州

多傑僥。西溪逸民獨取丹元歌。素秋蔚藍便仰視。別傳到
日者。江湖播糠粃。聿斯鈔繆護詞。鮮黠經一一訛亥豕。版
削不知警言紙。所以蝸蟹魚羊且勿論。試論並有憲号益
有解。渾益會稔大潭思。誰復律易窮源委。世言孔子三不
能比兩九數之末旁要美。蕩杯分橘犬追兔。算同兒戲姑
舍是。靈蟲於兩間。狂恣殊。拿蟻縹緗飾羸形。澹泊謝羅綺。
雅儒分內通三才。上凡軒頊窺姚姒。班志一卷首鑽研。松
節燃照以繼晷。警畫字勤穿被。若耽蒲柳呼雉鏡。志攻中
堅。詎減定軍壘。當其雷霆不開欲墜坑。但見門前古松映
流水。一旦心胸開。恍得千金甌。左攀邗揚。右挈雍李喜。聿

征營。燕鷺披靡。涿鹿公西。鄂伯昌亭子。閩中男。咸旒岸而
供驅使。夜夢神官授螢芝。笑謂孺子可教矣。闕苞任闕疑。
努力測弧矢。休悔學支離。成此無用技。辨香上告安樂翁。
只今霧消公超市。知已何患無鋪子。蜀嚴湛冥應倒徒。憶
昔曾遊觀象臺。摩挲新舊兩儀軌。虞法既眇芒。漢耿唐梁
毀。大氏孔定銅斛蘭鐵。胥入洪鑪融渣滓。惟有舊儀列前
庭。製自元朝郭太史。色澤深黝碧爛熳。雙環銚澀發機弛。
新儀崇臺巔。祥光燭峻址。巧鑄百鍊剛。珍逾鳳凰匹。鱗
鬣天頂高。地平庫。割圓八線三角峙。赤黃絳緯渾球全。於
萬斯年垂悠久。

叶壺箭表圭器各精。鄧偈風竿十丈史觀

纒卅載脫却尚書履。青雲遐想扶桑渚。

聖朝舉制科。璿璣玉衡試多士。武原少宰裒然首。一時賦
貴雒陽紙。醜舫藁不存。幾家付鐫削。宛陵梅徵君。濡毫復
重擬。遠道山水佳。江城秀畫裏。門才續詩派。許州郟官通。
向聞梅家樹樹花。季豹禹金同一揆。勿庵雖後出。樸學良
勝彼。古塾訓童蒙。六藝所有事。上史切探微徹上下。聖域造
堂祀。此賦殊異繡擊悅。直與元包潛虛互。鵬鴒談天衍。雕
龍爽三闕。舌本燦葩蕊。盈川走且僵。張淵敢口哆。寄語宏
詞五十輩。裁雲鏤月讓公等。叶讀賦及所著二十九種排
集凡尚有叢書五十七種未得見。祕冊寶箴瑤樓福地去。

天咫錦帙牙籤快寓目。調劑中西妙戢善。麻祀荅溯晉仰
傳。歐羅巴識西江旨。據梧開披尋。鵬然蹠心弭。時人豈侍
匹。五曹亦罕比。宋代萃星翁。高分撰母貽。詆訾夢溪嗜。豔
臚極賞衛。朴殊難齒。孰若績學韜。魏先生。疎祀世業通。顯
有小同。日以康成合。唯唯王侍中。前張璠之徒。不敢知。將
掌嘆絕為邢臺。以後一人而已。衰朽私自揣。牛場與鼠抵。
常侍五十留意詩。調高議宮徵。我垂耳順方學算。綴術昧
京祕。吾師乎。吾師乎。神馳北樓舍。死陵其誰企。雪泥鴻爪
記歲月。假年已老期。久辭。開逢攝提。太陰元始。合璧聯珠
戴氣抱珥。倉靈析津。斗柄南指。則余上泮。贊寧侯已。海澗

出入泔泔泊泊相。幸。幸。石。鷲。濤。駭。泔。瀆。嫩。晴。麥。靡。澤。銀。藏。
再。幼。蘆。箔。縣。白。茱。黃。花。兩。早。萎。懸。脂。染。棟。復。塗。梓。胃。蛟。鱗。
銜。蜂。甯。噉。蟻。蝨。踞。鷓。鴒。灰。台。節。物。催。柳。極。唐。興。館。記。秋。分。
大。小。餘。放。筆。作。歌。桓。釀。聊。爾。麻。沙。倦。眼。繡。靴。跣。揮。側。理。
莫。嗤。信。口。吟。却。非。獲。窠。體。以。吟。罷。鑪。烟。篆。綺。罷。階。砌。芍。
藥。櫻。桃。紛。紛。爛。紅。紫。我。友。何。胥。石。蘭。庭。稱。此。詩。云。煌。煌。鉅。
篇。玉。川。月。蝕。之。流。出。誠。意。伯。二。鬼。詩。上。

乾隆丁丑學使賈東寧先生試

南巡獻賦之士通省五百餘人特論甚高嫌其詩律不入
格衆皆未喻適見余

保和殿試賦得窓中列遠岫得同詩云列岫浮天際吟窓

一望中收來屏障小展去畫圖空出沒峯巒定參差影自

同遮欄惟秀邑入座盡清風爽氣疎樵繞濃雲密綺通如

自描細細似點散濛濛薺樹深團碧標霞淺染紅高齊環

衛意欲獻紫宸宮輒擊節嘆其律細舉為多士程式蓋

先生之論謂出句第一字亦必平反粘綴余詩偶然閣合

也此特一時興到之語先生

御試賦得風動萬年枝詩起句不爭辟弄豔獨以萬年名

亦不盡然耳先生晚年好詆絮陽甚至罵陸清獻公為老

賊萬段聞者咋舌不免垂老罷官抑鬱以終後嗣不振其

卒也。小覲觀察與余札云。先東宰師一生風節凜然而吾鄉洪翰林上書比之阿附權門之孫李。自是寃獄。豈東宰師不滿於程朱。故身後遺此汙名耶。可以鑒矣。此觀察持平之論也。

乾隆戊申。余六十生日。述懷。兼以辭祝。四首云。老大追思年少時。紅綾餅餕白華詩。胸中愛貯書千卷。堂上欣傳酒一卮。此景依依流水急。吾生冉冉臥雲遊。遲名擬利戶閭非。造却羨披裘榮啓。期滿庭霜葉助悲吟。涼月當窓瘦影侵。人道萊蕪非破甑。客知彭澤是空琴。一官竟抱終天恨。式

赴粵西丁亥

問先君訃

七載常懸寸草心

戊子師里甲午遺先母喪

同氣彫零情

後死。

先兄卒於戊子年六十先

蓼莪未讀淚霑襟。早夜多

疾自屏營。惡耗頻年聽亦驚。

內子及大兒並卧病久矣三

亡今秋飛大外孫

不信人間開口笑。祇應夢裏舉杯傾。三

身枯朽芭蕉喻。半世窮忙斥鷃情。吹得陽和回玉瑩。免教

愁苦厭餘生。歲暮天寒白醉溫。吟成首尾且休論。著書合

付揚雄。既盛酒空留杜甫盆。采蘋歌新聊慰我。

夏間次分

甘話好待生孫。

余未有孫

初得一孫女。光陰如此何須祝。多謝親交

古處敦。嘉慶戊午七十生日。述懷四首云。杖鄉轉瞬十年

過。太息光陰付逝波。百歲縱饒能得到。一生至竟快蹉跎。

鼠肝蟲臂身元幻。鶴膝蜂腰論未磨。差覺衰癯無俗事。備

然木榻負暄和遭逢

聖世讀儒書。千佛名標早遂初。話到倫常多抱憾。算來著
迷總嫌疎。調停漢宋譚經候。抄撮班歐讀史餘。夾深深寧
今不作。辨香曠代慕相如。細數從前磊落人。私心却幸賸
閑身。三年已益共城壽。七歲還添粟里春。上藥欲求經久
病。破書可捻未全貧。洛中二老如相問。梁益同庚故事新。
那忍稱腸痛長男。西河老淚我何堪。癸丑九月大樗科漫
兒利紀病亡說榆光暖。茶味休言蔗境甘。出世佛臥聊結社。忘情彌勒
且同龕。便開八袞難回想。中夜長吟喚蔚藍。嘉慶戊辰八
十生日。偶作四言五首。仿歸愚先生八十述懷體也。詩云。

涂月既望。雪初晴時。閉門却掃。辭謝光期。無如晨起。戚友
具來。叶謂登大臺。稱觴亦宜。客意良厚。我心孔悲。我悲伊
何。無子曰獨。暮景蕭條。淒然滿目。况母難日。本不當祝。立
身揚名。彌歛悚慙。願語童孫。汝祖無福。嗟失怙恃。已逾卅
年。纔營馬鬣。莫贖前愆。世道長恭。媿此兩賢。鶴原增病。一
綏。冰懸自今以往。永卜綿綿。有詩有詞。珠玉紛綸。有聯有
畫。齋肆聿新。長篇遠寄。京華故人。秦小岷先生唱門恰九
十韻。用十一真。倘藉延算。奢願九旬。杖鄉杖國。竝賦述懷。
光陰轉瞬。人事多乖。沈吟閣筆。頗費安排。宋纘可作。徐廣
與偕。歌同擊壤。金石相諧。

余讀歐北梅花四首。意有未愜。亦作四首云。孤山無數繞
山椒。五柳門前只一條。從古人才元落落。到今詩品亦超
超。句中玉雪陳言去。味外鹽梅俗意消。最愛逃禪村景畫。
徐家沒骨豈能描。杜詠枝疎林影疎。不關疎密妙何如。嚼
花笑下三分酒。倚樹閒繙一卷書。藥術偏宜臨水斲。香空
未許隔牆儲。老夫更比江梅瘦。怕說參橫月落初。好結山
林耐久緣。百花讓盡轉爭先。格高自合千秋賞。韻勝還須
萬口傳。爾雅標名殊陋矣。離騷缺賦亦欣然。休教桃李怪
前華。開過東風不直錢。落盡南枝與北枝。項筐取實話他
時。隴頭一寄無消息。官閣重逢有所思。鐵幹常留仙尉骨。

杭音秋礼注座
祖四星如紫麻
夏祖也枕而標
柱四星中央如距
音緩義同又
新本也

苦敏僅得達摩皮。高情倘有咸平史。聞道梅花尚要詩。
陳其年檢討詩名為四六及詞所掩。然各體俱工。偶記其
小秦淮曲有絕代銷魂王阮亭之句。又題廬山丙午詩卷
云白家老媿休輕誦。曾見元和藁本來。自注張文潛以五
百金購白居易詩本。見其改竄塗乙。幾不存一字。蓋其苦
心如此。未知此說何本也。

竹垞先生雜詩有不及斷梳工之句。本揚子法言斷木為
棊。梳草為鞠。亦皆有法焉。近世注家引禮記俎用梳。厥可
笑也。草廬讀尚書絕句韻論春秋左傳胡傳云魯史王正
月群疑積至今。邱明一周字直可抵千金。此論雖矣。

惟庸故妄得兩人焉。談經曰闔百詩若球。百詩四書釋地
三續鈔撮時文。可謂陋之甚矣。至作古文尚書疏證。所以
諂媚徐東海。而終於不遇。此之謂小人。儒論詩曰趙秋谷
執信。秋谷聲調譜。旁圈平仄。亦復陋之甚矣。至作談龍錄。
推尊馮定遠班。服膺吳修齡。而排詆阮翁。其書成於阮
翁罷官之時。出於阮翁身歿之後。則亦未免小人矣。
學正少仙朱君重修尊經閣。三月而落成。移奉昌黎韓公
像于中層。因詢及韓公生年月日。余偶為之考曰。公生于
大歷三年戊申。見李漢所撰集序。此年之可考者也。公三
星行云。我生之辰。月宿南斗。斗奮其角。箕張其口。東坡所

謂退之以磨蝎為身宮。僕以磨蝎為命宮是也。磨蝎宮乃箕斗之間。寶瓶宮方交牛初。按史是年閏六月。故節候早。當在十一月中旬也。日則不可確指矣。至公卒于長慶四年甲辰十二月二日丙子。見于墓志行狀者。不待考而可知。如欲仿揚祀六一。杭祀東坡。越祀放翁之例。必以生日而不得其真。擬以十一月中旬設祀云。有庸妄子泥辰字及月字而致辨。不知西域九執之法。以春分白羊宮起算。冬至磨蝎宮交箕三。大寒寶瓶宮交牛初。此一定之宮度也。詩中月字乃年月之月。而非日月之月。月宿猶云月在。與上句辰字作時字解相應。此必磨蝎寶瓶交宮。故云。

牛奮其角。箕張其口。又云三星各在天。什伍東西陳。牛斗各六星。箕四星。正見詩語之妙。東坡亦時生。祿命家以生時加邪順數。至子宮安命宮。故云僕以磨蝎為命宮也。業師表兄楊潔甫先生諱澄字嗜愚。少孤。事母沈太孺人。純孝。工制藝。詩畫得瘦仙老人之傳。畫鶴松尤妙。困于場屋。年甫七十而卒。詩藁散失。阮中丞選輜軒錄時。覓一首不可得。同人以為憾事。先生為時甫中翰從弟。幼時常相唱酬。得其指授之力。時甫名正講字戒浮。有梅花四律。春草四律。尤為一時傳誦。歿後友人范九池侍御。刻其遺詩四卷。丁丑修志。余撰時甫及我家柯雲老人。歲葛東阿。

冷三狂士事蹟入文苑傳

乾隆戊辰于文襄公視學浙江因五更命題苦暗以意改
牌為燈四面糊紙正面書題燃燭于中光明畢照士子便
之并徵各學作七律二首以題燈為韻余有六首高州兄
人傑亦有四首廩生郭夢元彙資刻之附跋于後其時作
者五十餘人又有自刻詩箋者以瘦仙楊景運為最其警
句云自出匠心昭衆目特裁官樣識元燈一時傳誦追思
此事忽忽六十餘年矣

毫餘詩話卷之十

先祖父澹軒府君年六十時有花甲載舟圖同里陳匏廬

邗彦許立岩雅植陳梅谿黜吳維賢士益沈羽侯子豐吳

鶴亭錫祿郭星如燦及舅祖沈長沙公世屏姑聲許晚榆

先生勉燉並有題詩匏廬詩云分明十丈蓮花葉南北水

西任所之不載芸編載紅袖翻疑茂叔是鵬夷長沙公詩

云水大於天浪碾沙飛鷺未敢漫乘槎問君何幸中流穩

坐得人間君子花先父了閉府君跋云此癸卯歲先君年

屆六旬家文侯所作花甲載舟圖也先君體額外腴風神

中朗稱慶之辰僉謂期頤可待嗣是秉鐸平昌陳情歸養

周魚字斌侯海
昌人壬午女周岳
字文侯弟與
兄齊名

娛親樂道。悠然自怡。詎意七袞之筵未開。竟以數日沈疴。棄諸孤而長逝也。瞻拜遺容。曷勝哀感。因乞題詩以垂不朽。子孫世世寶之。雍正甲寅冬十月朔謹跋。

先君子以小杜詩意繪寒山白雲圖。照題者二百餘人。如沈歸愚、錢香樹、梁蔣林、孫虛船、厲太鴻、杭堇浦、陳勺山、吳中林、嚴海珊、高寶意、蔣質甫、熊雲亭、楊文叔、任武承、諸襄七、錢坤一、胡稚威、陳亦韓、符幼魯、金汝白、錢稼軒、莊方畊、張雪子、周淑大及同里之陳梅谿、徐不夜、沈西園、張雪烟、許慕迂、楊瘦仙、楊元白、式玉陳湛斯、沆張駕時、與畧舉不及詳載。最後得爲青山人李鐵君詩。幾有觀止之嘆。詩云。

蕪蕪不生水。芙蓉不登木。物性趣舍各有屬。好客寒山獨
幽。獨。寒。山。何。所。有。白。雲。在。前。時。在。後。客。歌。雲。舞。客。樓。雲。罷
客。卧。雲。處。客。去。雲。舉。白。雲。與。客。為。一。身。山。之。脈。水。之。源。

庚午余寓米市糊餅同年寓月張園者趙啓人 仇 查 蹇 同

銓 倪 啟 修 學 洙 陳 志 潔 克 光 李 紹 衣 家 勳 葉 丹 穎 佩 藤 也

每遇長椿寺集必相過從同年之常來者周記三烈以升

復培庭賡獲陞汪康古孟頫豐玉 仲 鈞 蔡 李 實 以 臺 平 肇

海聖壘許心宗 寧 基 孫 惺 士 效 曾 也 非 同 年 而 常 來 者 甲

子之王宋賢 元 啓 丁 邗 之 梁 元 穎 同 書 幼 循 敦 書 也 啓 人

葉子戲負輒擲人面宋賢好度曲携鼓板而行除客則清

談茶話而已。惺士年十七同榜中最少。退然如不勝衣。丹
穎年十九。卧於僧樓。每晨起。面有淚痕。詢諸吳興人。知為
新婚別。眾咸嘲之。余嘗與康古心宗遊。長椿寺觀九蓮菩薩
畫像。分韻賦詩。蹊烟少。遭患難。苦心力學。詩思悲壯。昔
有怪魁詩鈔。志潔嘗大醉。卧桌上背誦少陵詩。至二百餘
首而醒。亦好學之士也。紹衣家馬牧港。即前明李大學先
生所居。蠻洞故址。或其苗裔。未可知也。世以賈海為業。折
閱家貧。隣近無讀書者。遂入城從師。貧不能買書。周禮文
選。皆借鈔以讀。制藝日益有名。庚午北上。與余同行。余有
思親千里一樽酒。新店與君夜話時之句。下第後館許宦

齊道基家未幾疾卒年僅二十有七丁丑修志時霍齊撰傳入志載其夫人徐氏過門守節事後符例奉旌敏修號蘭畹制藝擅長兼工書法丁丑成進士初任沭陽後任褒城慈和愛民分校稱得士甲辰乞休歸以李翁開西狹頌後刻甬池五瑞圖故司隸校尉捷為楊君開石門頌石門頌後續刻七行漢中郡太守鄒君修橋格柶諸漢碑見貽有可証歐趙二家之誤者戊申卒年六十有八君次子為楷余姪聲也嘗以青綠山水為余作岑溪三賢祠圖并細楷書宋中王稼村尚玉所寄萬密李少鶴憲喬所撰碑記於冊杭人朱彭稱其字畫之工

同年查天池

昌圖

荊州先生孫自幼蜚聲黌序試牘膾炙

人口金壇王己山太史步青選入考卷所凡集中副車時

年五十餘矣學問淵雅同榜多以前輩事之君題余中文

孝經爾雅補注五古各一首詩極古茂君設帳蕩湖門徒

最盛孫補山

士毅

其高弟也君嘗以制藝稿索序兼有朴

山經畬之勝余為序之令子祖香字馨林號妙聞癸酉拔

貢官景寧教諭年老歸家和余安瀾書院紀事詩余以詩

答之猶憶乙丑同縣試時也因念龍山才藪自吾僑梓外

如祝人齋奎之理學祝牲之

華瑞

之古文許嵩盧昂霄之

詩詞查經根茂蔭之制藝昆卓然可稱者也經根以壬午

孝廉官鎮海廣文令子世佑字念曾諸生能詩文嘗有大
禮折中惜病瘵早夭又德清副榜同年戚學園朝柱官廣
濟知縣令子芸生字修潔號馥林工詩文前後寄詩甚多
佳句可摘以廩貢生需次廣文學園僑寓龍山者二十餘
年後遷未郡茲并及之

吳國梅字潤和
藍諸生太學寺
知忠端公麟殿
孫作畫不脫下
筆曾為重文格
公那遠代筆

庚午同年中澈川吳蘭陔懋政不甚契合因蘭陔而識澈
澈國梅因澈澈而識燈庵文陣較蘭陔轉密矣澈澈良鄉
籍廩生工畫山水從董東山先生授畫法又精堪輿陽宅
之學甲戌與余同舟南歸次年遊山左未幾卒忽忽五十
年事也嘉慶己未燈庵令子耘廬東發館鹽令幕中來署

州守以余為父執友修刺來見以燈庵散浦詩話索序時
方大暑揮汗序之并賦七言長歌以贈耘盦以詩答謝云
造物篤材非一區 秬稂枯柏貢名都 亦有愛惜深山儲 山
靈呵護虎豹衛 雪霜激凍為世模 松靄先生其人與 岑溪
小試弦歌化歸來 頭白仍著書先生坐卧書為巢 窓外高
梧風蕭蕭庭前積草翠 欲交日脚不到日 卓午湘簾掩映
鬚眉古夙音想望有年所 及見恍曾晨夕數 經義紛綸為
我舉 小子不辰早泮子 小子無狀替繼述 何來長者獎借
辭祇令循省增忸怩 篇中歷歷溯時音 憶我先子曾同客
一別如雨秋濤隔 讀罷預涕重 由緝耘盦精於鑒古能識

鐘鼎古文。雲臺中丞所器重。蓋楊南仲薛尚功一流也。次年庚申。聞君病卒。士林莫不悼惜。

乾隆辛卯鄉試題。子曰誦詩三百一節。余戲作擬墨。用十四經語集成。梁恒齋邵丞。徽謂守溪荆川以來未有之創格也。蔣東岡。葵平見而竒之。甲午鄉試題。天下有道則禮樂征伐自天子出。君闈中即仿此體。除破承散句外。整比中成語。屬對者什之六七。自言三條燭下。意興甚豪。衆得呈薦。獲售。貧不能赴公車。同門卷亦不刻也。時年已七十有一矣。君留心古文。汪鈍翁侯朝宗魏叔子王于一計。改亭邵青門諸家。莫不過覽。好作題畫。七言長歌。有寶墨齋

詩稿。君性喜收拾前輩遺文。嘗得不全祝開美先生月隱集。以書座右。及私室。自警語三紙分贈。有開美先生手書。張揚固先生朱筆改定。吳仲木先生紅紙帖籤。余至今珍藏之。

表兄葛玉屏璣祖姑聶子喬公壽孫也。玉屏字肖巖。邵庠生。制藝有盛名。教授門徒甚衆。善畫花鳥。得外祖朱北山先生之傳。卒年五十有五。璣字仲達。號玉湖。邑庠生。工詩文。尤精楷法。遠近乞書者。纒素雅積。嘗刊月我軒詠梅百首。又刊集古梅花百律。先兄及余竝為之序。卒年八十。有一無子。遺稿零落。張荔園駿其聶也。余嘗見其詠節烈二

首有關志乘非尋常風雲月露之比因錄於後董節婦詩
并序氏為同邑後洋吳氏女年十六歸洛塘董某姑常慙
無行屢欲垢汙氏堅志不從傍倚母家十年姑佯以愧悔
促歸母誤信婉勸氏固知其偽而惟以一死自全也遂泣
別肩輿至家坐樓鍵戶暑不解衣一夕姑立樓下呼曰常
此酷熱奈不浴何氏勉從姑携水至戶氏啓戶受之仍鍵
戶孰知早引無籍董集戶外矣向其裸浴薄而覩之氏甫
脫衫大驚披衣旋開箱取冬服穿竟體復以絨上下密縫
自縊死之日同里來觀者莫不流涕十年矢節愧當璫非
竟薰猶品絕殊未到黃泉終傍母要完白璧肯從姑生前

作氣襦群魄死後全身到寸膚彷彿樓頭風露夜幽魂耿耿

取照冰壺沈節婦詩

并序 不稱夫姓者 不與其夫有是性也

婦姓沈氏居州

城安戍門外俗名打網球也父捕魚為業自幼端重不苟

言笑誤聽執柯者適同里陸大寒暑紡經絕不窺戶陸故

無籍常索氏紡經所受為賭酒資弗與輒筮楚幾死者數

矣氏每痛恨一日陸大與群匪議將鬻氏於娼家氏知之

有一子甫三歲伺陸出抱而泣曰汝棄我與若伍曷若相

隨泉下乎旋取適迫之飲現入口搖臂不能咽遂以水俾

免救買銘悅之抱寄母家歸即閉戶自經嗚呼氏邗婦耳

乃能之矣靡他操逾金石豈易得乎余特紀小詩一律以

俟它日之揚貞風者入節烈傳焉天挺九九質貞操涅不

淄緩投一夕事冰抱六年思氏婦陸解酒全兒日含銘索

母時相期揚苦節操管為題詩余亦有書善卷堂文某後

進退裕云陸拒石先生為查烈婦徵文引烈婦馮氏海寧

查亦林妻序事甚詳州志僅據舊郡志寥寥數語緣丙申

修州志時分纂某君令某捉刀於不當採者採之海菴呂

川志之誤而此類則轉畧之甚至不可刪者刪之如春女邢氏

陳氏許汝愛妻宋氏沈應鳳維良汪氏之類他年重修州志者亟宜核全修黃

續之縣志增焉志與史相似三長美不虛如何偏妄子草

率學鴉塗既昧虛心受選憐儉腹儲他年重載筆應笑此

吹竽。此即玉湖之意也。

先妣聶張溶字容如自號半海居士待軒徵君六世孫父
佑齋公天翼康熙戊戌進士官懷來令杭蓮浦先生贈詩
云繞屋栽梅播素風。傳經人往講堂空。不圖鄭志紛紛在
帶草盈階見小同。飛待軒先生築梅花書室讀書其中元
孫大令天翼能世其業公事蹟詳邑志循吏傳姊聶幼慧
能文尤精書法學歐陽率更參虞永興體駿乎窺鍾王
之真著有心寫軒書學管言一卷乾隆戊辰科試受知於
學使金壇于公試日咯血疾大作公亦舊有此症授以白
蓮花丸方次年竟以是疾卒年二十有四甥景尚尚未週

晬先姊忍死撫拯集蓼茹荼撫育成立而心力交瘁矣姊
每携甥歸家余兄弟互相課讀甥初甥聘次姪女戊子余自
粵西歸姪女殤以次女贅甥於家余詩所謂陽元魚叔寶
也庚寅舉一子甲午甥遊庠乙未復舉一子姊喜極而悲
稍為之寃解矣姊素有羸疾戊戌八月一病不起甥侍母
疾衣不解帶者半年居喪慟絕嘔血時發時止尚早夜讀
書冀慰節母撫育之恩而竟齋志以歿豈不哀哉壬寅力
疾為母請旌卒於癸卯正月年三十有五甥字繼才號
梅屋性好博覽群書頗有意於著述嘗續選七言律詩為
宋元明詩鼓吹又仿厲樊榭宋詩紀事體例為元詩紀事

竝未成其成者。補元史藝文志八卷。搜羅極博。其書可傳。
盧紹弓。文昭。群書拾補。全襲取之。後人讀盧書者。當知其
出於張也。甥遺孫二。余女撫育成立。長。煇。小名麟。幼語音
蹇澀。長自發憤。遍讀四子五經。作字亦端楷。戊申七月。以
疹疫。殤年僅十九次。燾。字厚堂。小名壽朋。嘉慶戊午。娶於
查。詩人梅史揆之妹。亦解吟咏。方幸綿此一綫。不意庚申
季冬。以喉風暴卒。年僅二十有六。余驚悼欲絕。賦詩哭之。
曰。吾生寡兄弟。同懷止三人。女嬖歸清河。綽髻旌松筠。有
甥瑣宮僑。讀書工詩文。蘭玉悲摧折。一綫延千鈞。甥為余
之壻。外孫即離孫。長者早殤逝。其次已成婚。端謹無天法。

方慰泉下魂。天乎胡太酷。卧病纔經旬。巫醫俱罔效。死日
恰新春。撫派十八載。母氏空恩勤。兩世傳苦節。將為若教
隣。慘痛至斯極。那忍見。且聞我景迫。桑榆待終正。飾巾千
行老淚落。長吟增酸辛。自此而懷來。公及先。弟亡甥。斬焉
無後。余十八年之心血。付諸東流矣。萬事成空。臨紙嗚咽。
楊甥晉原字聘珍。外祖父艾軒公。曾孫表弟韻麓。瑜次子
甥母為先室次妹。甥又為余幼女夫戚。誼稠疊。里居比隣。
視古稱三葉。世親更加密。焉甥弱冠能文。不幸沈淵而卒。
宗黨莫不悼惜。年僅二十六。乾隆丁未歲也。其舅氏許西
鶴。奎有詩哭之。云。千行淚下難禁處。豈料傷生似子安。又

云楚些長歌招不得扁舟悔煞入城來。蓋因西鶴洛溪舟
來甥戲操舟以致失足倉猝莫能救也甥無子以死京初
子璣星為後余女撫育成立今已遊庠東初字醇一號書
巢從學於余以文行稱舉孝廉方正與弟最友愛云

余有輓外父放翁許公詩五古百韻。門人鍾憲溪大源手
錄之謂得力于少陵。今此詩集中不存稿矣。外父諱勉。熱
時庵宗伯從孫年十三遊庠後貢入太學。天性孝友樸誠
有弟四人仲弟勉舉于鄉早卒撫其子女成立里黨稱
之娶于武原張氏名族有婦德內弟二長大坤字厚庵號
客邨官山西垣曲縣尉工填詞嘗題余詩集調寄金縷曲

云著得群書富便錦囊佳句綺窓吟就一束牛腰堆硯北
紙上烟雲透迥羨東海詩壇獨秀更有雙聲魚疊韻追踪
杜老誰為耦隔千載君能發索落自恨離群久笑閒時淺
斟低唱怎生消受却媿君言頻許我漫說詞同辛柳只博
得虛名辜負今讀詩知詩外料美成也是詞場手清真集
幾時又有容邨詞一卷次奎字昌文號西鶴諸生時貞詩
文盛名乾隆丙午年四十餘以歲貢舉孝廉尋卒士林莫
不痛悼有古芬堂詩集四卷

許孝廉錄字統百號蔚堂姑賀晚榆先生孫表兄霍濟道
基子沉靜好學能讀父書每以詩文就正於余超出儕輩

君勤於著述詩文頗多其遊法相寺詩尤為一時傳誦云
髻塗跌坐者為誰。五季泉州陳氏子。生來七歲默無言。短
髮鬚垂垂兩耳。世上已枯毗波梨。枝頭忽溢琉璃水。天葩
繚繞空氣氲。早休則休止則止。一語能教大地瘖。再語能
使浮雲死。長留遺蛻此山中。琳堂丹碧巍然峙。鐘聲朝隔
嶺樹青。塔影夕照江霞紫。駢梁蜿蜒走龍蛇。飛閣玲瓏結
羅綺。蓮居雲壑更清幽。僧日定光棲于此。貞林非木又何
稼。窮極雕繪乃爾爾。我來未曉門未開。門外鞠脰鬧如市。
蛇行一步叩頭三。博山爐篆生淨几。金鏡寶鐸響吟吟。佛
號宛轉驚雷似。須臾蜂擁滿空庭。前者獲錯後頭趾。大姑

婀娜攬紅裙。小妹嘈嗷頻呼姊。整衣結伴重斂容。未到得
前早長跪。凝眸暗祝不聞聲。却向簾櫳投玉珥。觀之闕默
悄焉思。如此精誠良得已。何不刺繡葳蕤深閨靚粧飽經衆
目視。那知祈禱別有因。相傳可得宜男喜。拈香已罷微啓
龕。先摩佛頂次懷裏。闍黎昂首宣佛言。一聲高唱千唯唯。
寅年靈宇散錢刀。郊歲德門懸弧矢。噫嘻誕設孰開端。奔
波習慣渾忘恥。磊落燕山五丈夫。降生不受燈王使。豈無
一二偶然遭。事參疑似理無是。徒令禪宮清淨身。粉痕香
汗雜塵滓。可憐老僧寸寸膚。莫遜姮女纖纖指。生前不樂
炫高名。死後安能免吊詭。永明饒舌何足云。饒舌偏從死

後起如何幾度祝融威。幡幢潛逐回風徙。乾隆丁酉君舉
于鄉教習需次廣文未仕。卒君為先兄玉井先生之婿。寒
家與許世為婚姻。于今三世矣。君之子寶沅字守大能文
早夭。僅一遺孤。不絕如綫也。

楊君正烜字禮耕號樵雲外叔祖。晚雷先生孫。舅氏武卿
朝。語子君母為余從姊。故余呼君表弟而君呼余母舅詩
本家學癖愛苦吟。與張陵張廷琮唱和甚多年。三十餘悼
亡不娶。投徒僧寺以終。其送春詩有云春夢忽隨蝴蝶散。
客愁暗逐柳絲長。人稱其工自感吟有云貧來得館似登
仙。殊可慨也。身後稿皆散佚。

語溪門人吳藤培字香飲號筠亭總憲公溫曾孫怡岫文
雲從哲嗣也吳文以河東運使坐事謫官辛卯從塞上遠
道貽書令筠亭從學詞謙抑而意諄摯未幾卒遂遷海寧
四十餘載心尚念之君勵志讀書寡言沈默然請業請益
輒豐疊而談講求字母能通大意又好禪學熟於楞嚴此
皆靜者之妙也君文極豐腴詩却幽峭喜集社顧絀於場
屋卒年五十餘無子遺禍散佚求其詩不可得矣

我邑司訓費成雲字霖蒼號霽園石門人嗜讀書制藝負
時名久困場屋援例授官乙酉至寧居官十二年卒君次
子邦紳字顯書太學生余長女聲也贅余家而女短折聲

復早夫此尤余之所隱痛矣君有叢桂授經圖余題五六
七言錄其一日子武曾解詩。宋盧後段武呂有長翁詩傳
易兼通非一經紛紛奪重席。

楊兩松嗣曾素心蘭詩七律四疊共十六首余取其大地
文章皆本色碩人情盼自天然飄飄詩有凌虛意濯濯花
添出水芽兩聯君精於制藝詩非所長然筆意大方不愧
讀書人吐屬也九舅氏出後於徐家業中落君甲子失怙
恃來寧年甫十歲房族無留一飯者十一舅氏飲食教誨
視姪如子名之曰嗣曾字之曰宛東時制藝已迥不猶人
杭董浦先生許其遠到庚午年十六遊庠丙子以第二名

中式此後之遭際所謂時來則為之其卒也十一舅氏謂
如一場好夢太息痛悼兩松又自號雁隅余有輓詩三首
即用其臨終絕句韻

嘉慶丙辰三兄高州守泰交

人傑自黑龍江歸有紀

恩詩余亦敬和未幾大姪嘉猷卒於軍營福邸王具

奏得邀

贈邱有加誠

異數也兄喪明悲切忽有宵小之侮奔走會城事多拂意
時四兄廣文覲宸人英官梧桐鄉惟余咫尺過從常相勸
慰然有難以排遣者故

賜環不及三載竟抑鬱以終矣幼姪女嘉淑能詩。遷宗明
施茂才以閨中唱和詩乞余評閱余題詩云我家道韞秉
奇姿。玉樹芝蘭共一時。乍展香閨酬唱句。女中才子果工
詩。翡翠琉璃擅美譚。簪花妙格重江南。若教采入瑤池詠
定有高名繼靜庵。惜亦相繼夫卒。

內弟許西鶴奎刻意吟詩遺藁四卷句如靜看蛛布網閒

聽燕爭巢獨坐惜紅姜白石慘綠杜黃裳夜斷雲飛塔頂殘

雪戀山腰渡江世路盡難寧守拙秋風多厲莫貪涼送客

臨青玉案前長抱膝綠牙籤裏鎮埋頭夫子共推楊伯起

使君曾比鄭康成題周松齋曉露乍流香不斷朝霞縹緲破

翠猶遮

曉起涉園觀荷

霜天曉角疑無影水國殘陽尚有神

花盡數

奇且下方三拜才盡空輸溢八又

此

一生遺恨悲天順兩

代淚忠泣也先

肅公忠

一代英雄埋白骨千秋父老泣烏

江

東阿道中西楚霸王墓

皆入晚唐之室也其餘七古長篇才氣縱

橫不復具錄

張甥

景筠

梅屋遺詩僅一卷句如坐久尋棋句談深試酒

歎

筍谷幼圃池泉來問病

一笑猶初服三年貯別愁

詩堂漱圃禮閣下第歸過齊率

賦烟火萬家迷處所空明一片付徘徊

一葉飄秋去難得雙星送巧來

新秋和楊文照雲

望香山花樓任他

一枕夢回驚落月半窗日暖滴晴簷

詠雪和衆論漫推金東坡韻

谷主我知本是玉堂仙。丹壯衝破白蘋。擘橙。月撥開紅蓼。滿

船秋。自包家山至夾山舟中作大藥駐年。隋正字禁方濟世。漢倉公沈

疴已積三年久。靈液剛教一夕除。一囊藥。竟膏黏散。五夜

心縈白玉環。久病新起賦謝掖川吳先生四首粥熟讀新城。秀水兩家不

失為雅潔也。壬寅除夕二首云。霜濃風細。愛情新。爆竹聲

來到耳頻。差喜病中增甲子。漫隨俗例守庚申。杯傳竹葉

看分歲。蠟結燈花話好春。分付兒童祝如願。願儂強健藥

離身。篆久香烟散。硯邊起看星斗欲橫天。欣逢高鶻添今

夕。笑放鳴鳩又一年。典盡敝裘供藥債。強扶病骨祭詩篇。

明朝賀歲休投刺。報道維摩尚穩眠。癸卯元日二首云。瘦

骨峻嶒曲尺眠。日高催起快晴天。養疴不作三心夢。謝客
初參一指禪。柳眼梅梢偷暖律。餠糕粉荔頌新年。性餘偶
憶微之句。端合聰明小著鞭。焚香煮茗日初斜。歲事真同
赴壑蛟。才子玉臺銘栢葉。佳人金勝剪椒花。須知北郭吟
壇好。會見南園樂事賒。九日春春正始。辛盃初試最堪
誇。甥卒於癸卯正月十日。歲交尚爾。賦詩人命柔脆。悲夫。
甲子場後招程生萼樓表。陳生月垞增待榜揚生勝私禮。
初造來勝私已於戊午中副車矣。因留同席。是夜開飲。小
覘先生所送活溪佳釀。色香味三絕。比揭曉萼樓獲雋。而
月垞報罷。余作詩慰之。偶憶唐人慰下第云。劉毅雖然不

擲盧誰人不道解。穉蒲黃金百萬終須得。只有按莎更一呼。朗誦此詩。以壯月墀之色。

徐生壽魚。紹曾從余遊。有年制藝之外。詩賦字畫。兼工。余曾題其詩卷云。世誼重。重舊結隣。吟詩北郭愛清新。史魚書畫稱三絕。從此弱齊有替人。丁卯夏日。以所臨宜山主。及十二種飛白。就正。余觀其筆勢飛動。斟酌合度。視宜山殆有過之。無不及也。宜山當即禾中盛遠。康熙間名士。所可疑者。唐以前飛白。無石刻。惟昇仙太子之碑六字。此却有漢晉諸人筆法。或出于宜山之依托乎。余向藏宋仁宗天下昇平四民清七飛白字。其點有出李唐卿三百點外。

者今贈壽魚補臨于後又添一種余論近人作飛白者張
芑堂飛而不白陳仲魚白而不飛似並在壽魚下余蓋喜
而書之卷端以歸。

金君汝鵬字佩新號香雨先兄玉井之妖甥也幼從學于
先兄者十餘年久因童試後補州庠生君通說文工于篆
刻所鐫圖章人爭購之殆可入我家標園先生印人傳也
近年延君家塾課兩孫未幾為族人所齟齬抑鬱成疾而
卒年五十有七君有香雨印譜兩卷張梅屋景筠題詩有
從此開奩鈔紙尾何妨爾雅注蟲魚之句
查如岡義梅花和尚塔絕句云庵主當年學易時六陵殘

燬不勝悲。如何誤讀冬青引。附會流傳絕可嗤。自注陳仲厚梅花庵記謂仲圭以方外自悔後得免於番僧發塚之禍此却眼不知六度幾於元初仲圭卒於元末安得附會耶前道破笑盲公之妄談也。

客舉白香山韓冬郎句疑余杜詩雙聲疊韻譜之缺余曰此書本五大冊采取極廣因失圖譜貴簡之意精之又精而成括畧凡子之所言皆僕之所棄也。祝芷塘德麟心服此書惟於賞應歌杖杜作杖社一條以為恐涉附會貽書往復且云如此下句當對弄蠻等字面余因之觸發引新舊唐書蕭穎士作伐櫻桃賦刺林甫為下句之証。芷塘大以為然。

賦得桂馨一山得頗字五言八韻云。漢殿傳高論。東方喻
方孔顏。杏壇瞻仰處。桂苑即離間。妙義吾無隱。濃馨若是班。
樹林深枝發。越地近氣回。環子落從千嶺。花開過一山。春應
風廣被。秋宜月空彎。偃蹇憐遲放。窈窕愛早攀。牡丹成壯
月。未許到賢關。戊午六月。以此課鹽邑諸生。有誤小山者。
因作詩示之。并詳示題解。吳稷堂肖蘭關中即出此題。副
主司以下。俱不知題解。鹽令任某。了了言之。稷堂一時嘉
其強記。俾領群房。某居之不疑也。
余有石城女子曲云。石城本號美人城。中有女子芳且貞。
清溪小姑蔣侯妹。圓姿玉貌蚤知名。冰雪肌膚芙蓉肉。鳴

雌謂享神仙福。溫宗教弟詠唐詩。巧慧從孃吹趙曲。十三
停鍼坐當窓。葉子彈碁彩伴降。八法過摹書第一。九章過
習算無雙。海虞攜到海昌里。群看金錢輸吳市。得入章平
宰相家。羨翻不向椒泥跪。三戟門前僮從多。就中頗媿惜
嬌娥。鄉闈迢遞離親遠。養女遂隨春夢婆。是時內翰無姬
媵。蓬萊縣君年猶盛。鶴髮梁鴻舉案莊。蒼顏莫缺如賓敬。
畫外雕薪敢擅豪。滿堂歌舞曳珠袍。奇花叢內同心豔。瑞
錦堆邊連理高。主人者英將七十。齋講理香尋穉葉。掩鏡
愁吟潘岳篇。續琴瑟喜展羊欣帖。妾年二十頗有餘。况是羅
敷未有夫。豎開綠野藏金屋。臉暈紅湖對粉圖。迨此專房

十五載素蠻寵愛一身在日昃驚占大耋嗟胭脂弗御啼
粧改月澹霜寒燕子樓歲華二八倏遷流翠筠節節裁彤
管。蟬。鬢。星星。變。白。頭。蘭。閨。任。俠。古。來。少。紫。標。揮。盡。休。防。老。
鬢。體。難。追。奉。倩。涼。慨。慨。羸。病。萎。秋。草。獨。占。名。園。三。十。年。景。
光。瞥。眼。轉。淒。然。鴛。鴦。繡。被。濡。朝。露。蛺。蝶。羅。裙。化。夕。烟。議。禮。
紛。紛。魚。讀。律。昔。因。夫。貴。今。遭。黜。池。亭。長。閉。不。成。喪。飲。恨。泉。
臺。誓。曠。日。畫。工。向。我。話。傳。神。初。時。悉。仿。家。長。真。冠。幘。寫。就。
俄。斯。裂。別。貌。青。衣。便。服。人。我。聞。此。語。叩。其。故。答。云。天。壤。有。
遙。妬。棠。砧。何。在。如。堂。前。商。庚。雖。好。寧。療。誤。客。談。往。事。更。堪。
悲。果。藏。辛。勤。曾。撫。兒。寶。奩。零。落。誰。還。拜。珍。漢。空。虛。莫。守。惟。

死○生○貧○富○交○情○換○程○公○署○門○增○長○嘆○巾○幘○鬢○自○態○豈○殊○床○
頭○深○悔○黃○金○散○比○似○風○流○褚○彥○回○卜○著○差○半○亦○言○佳○若○使○
常○年○身○便○死○與○卿○營○莫○復○營○齊○柳○腰○一○獨○憐○消○瘦○相○逢○地○
下○應○依○舊○枉○思○學○士○葬○朝○雲○徒○羨○安○東○求○絡○秀○君○不○見○北○
固○山○下○響○晨○鐘○石○窆○新○邀○二○品○封○銜○碑○欲○語○奈○何○許○同○此○
袞○凋○命○不○同○此○詩○本○事○觀○者○當○自○能○得○之○不○恨○無○久○作○鄭○

箋也

詩作于癸丑六月

余○有○藕○花○洲○觀○劇○四○首○云○移○得○桃○根○古○夜○郎○掄○才○卜○姓○記○
東○陽○弟○參○早○近○台○蹙○賈○輩○程○先○分○象○服○光○三○載○生○離○傳○惡○
耗○一○朝○死○別○試○啼○救○巫○山○巫○峽○疑○雲○雨○回○首○黔○中○枉○斷○腸○

王。滿。為。婚。訪。柄。添。武。林。獻。賦。釋。前。嫌。從。姑。舊。系。清。河。郡。認。
女。新。開。白。玉。奩。豚。犬。漫。懷。麟。閣。志。鶴。鷺。竟。協。崔。屏。占。公。然。
忘。却。水。皮。搭。墨。荔。錢。多。巧。附。炎。部。婁。正。倚。丈。人。峰。李。下。斜。
冠。借。起。戎。紫。螭。戀。花。都。是。假。青。蠅。汗。雪。總。成。空。莫。須。有。到。
愁。負。裏。何。所。無。歸。覆。手。中。太。息。洮。河。餘。業。障。豈。真。水。合。貯。
申。公。擬。抱。錦。衾。許。子。虛。西。風。蕭。索。戒。安。車。鴛。媒。淚。滴。三。杯。
酒。鵲。響。魂。飛。一。紙。書。海。角。珮。環。緣。未。了。天。涯。針。線。痛。何。如。
香。鬱。鬱。千。秋。恨。化。作。紅。心。草。不。除。此。詩。本。事。甚。長。不。及。

曾廷棟字楷人
六國皆秦國秦母
道候命曰慈山亦以
為芳嘉善人商理

竹曹進

御覽六古後絕

意進取社門尊

或彈琴賦詩琴善

寫家肆乾隆乙

嘉善曹六圃徵君廷棟善畫蘭梁恒齋郡丞微與之交契

得其畫蘭十二幅。贈余畫雖工。惜用膠礬絹。因與恒齋共
學之。畫蘭通于八法。恒齋工書。點染便臻妙品。余拙於書。
不過勉效中鋒。如香泉所云。畫蘭我無師。花葉心所生。而
已然。信手塗抹。畫必題詩。不下數十首。茲錄五首云。寫出
芳蘭泣露姿。莠蒿滿眼草心悲。小年愛讀南陔句。老大愁
聽東晉詩。執手相逢兜率天。杜蘭香本是神仙。此花若結
成紅豆。長保同心一顆圓。宋西峻笛漁小彙有同心蘭
語。袖香飽月雙鈎。語以意為之。

滋蘭樹蕙記。騷人種類紛紛辨說頻。輸與涪翁祇兩語。幹
花從此認來真。寂寞無聊學撒蘭。閒吟竹懶句。長嘆圖成
未擬人將去。茶發香溫且自看。淋漓澆墨水田月。着墨無

多待詔翁。愧我兩家都涉獵。芳蘭至竟未能工。門人張荔
園。嚴作松。鬻先生畫蘭歌。同杭人善書者三十餘人。各體
書之。錢嶼沙琦。梁山舟。同書戈漢。礪。奇。智。方。蒸。砂。哲。蔣。春
雨。元。龍。葛。玉。湖。璇。並題大字於冊端。其實余畫未工也。乙
巳丙午。所畫最多。丁未以後。偶復為之。又有詩云。友人贈
我藏經箋。寫出騷經第一篇。自有幽香來腕底。滿盤黃熟
不生烟。吳香撲鼻素心蘭。不比紅心更耐看。一朵亭亭開
紙上。果然丰格最高寒。書到禳寮能禳火。客言僕畫亦清
涼。胸中久矣無冰炭。數朵蘭花特地香。禳寮墨寶萬千古。
流俗相傳誤瑞圖。書畫自來無二理。湘江歲晚對仙姝。禳

重鈺字僕歲云如
方二樹又朴名又借於
子山陰有衣之山水蘭
以木石尤多寫梅
畫揚元塔肆力於
刻修像中首志又
得揚州志范隆王
與卒作維揚有二
樹人某

火之說。此特一時遊戲。迎戲語傳至永中。蔣春雨元龍貽
書索畫。余為作芝蘭小幅。戚馥林芸生用山谷韻賦詩索
畫。余為作蘭石大幅。遠近索畫者紛紛。未知果能如溫夫
秘閣否耳。春雨題詩健藥三大字。唐武延秀題二玉真
跡上品。用此三字。蓋突厥語也。見輟耕錄及法書苑。

友人以余畫蘭擬山陰童二樹鈺畫梅二樹萬幅梅花萬
首詩。余詩且遜之。畫何敢及也。二樹嘗畫梅一幅贈余。題
詩云。研經博物古人期。閉戶高名海內知。想見書齋庭草
綠。寒梅新放兩三枝。余荷雅意。疊次二絕謝之。

余草詩話。閨秀止牽連偶書。不加詳載。如袁子才及三休

之類不及詳也。先師錢文敏公一門，都嫻風雅。長女孟細，字小榭，自號浣青。蓋合浣花青蓮為一也。適永濟崔曼亭太守。龍兒詩詞並擅盛名。世稱浣青夫人。刻集行世。孟細乾隆甲子生，年九歲，封肱愈父疾，人但知為閨秀，不知其為孝女。故特著之。

我友陳維園，萊孝，撰詩話三卷，錄余詩甚多，并詳叙余生平行事著述，頗多溢美之辭。其有與君交而余亦相知者，如俞甘村、棠、張荔園、璣、張嵩江、璣、張前山、廷琮、黃韜庵、炳、楊樵雲、正烜，是也。有君所極稱而余未經識面者，許漢二、曹迪前、有光、玉汝、有成，是也。君采二曹五七言佳句為摘。

句圖惜並早卒遺稿無存。迺前姊曹憲字雪軒亦能詩。造石門勞茂才其初夏絕句云。閒坐書窓度歲華。石泉清供一甌茶。棟花風裏寒暄亂。纔脫輕綿又夾紗。殘紅狼藉墮香魂。槐葉成陰晝易昏。幾日丁耽簾外雨。苔花延綠繡柴門。因其姊可想見其弟之才矣。

陳惟楨萊孝誰園詩話三卷未刊。吳葵里齋拜經樓詩話四卷已刊。極承虛懷寄余核正。其書刊後改定頗多。謂余杜詩雙聲疊韻譜十二類能發千古之秘。又錄謝燕山方伯啓昆題余遼詩話詩。至若論史一條詳載張待軒先生跋。仁和阮泰元氏讀于公旌功錄志感詩序言忠肅公有陳

易儲三疏。并及朱石君中丞珪詩。此於史學尤大有關係者也。

誰園詩話云。張魯芝為儒。有論制藝絕句。甚為精確。不減遺山。余業師徐星岩先生諱蘭。亦有論制藝絕句三十首。尤為詳備。載所著臆吟中。與先兄同遊庠。以制藝名者有兩。一為孫文瀚。字覲光。號蓉湖。試輒高等。貢入成均。乾隆戊子舉於鄉。年六十餘矣。旋以年老授翰林典簿。一為高龍。字瑾瑩。嗜酒落魄。困於諸生。二君與先兄最相交契。與余同遊庠者。有沈城南。作山舅祖長沙公之孫。中乾隆已卯副車。未任卒。又陳闡風。源母為先祖母妹。長沙公甥。

也。與余有橫渠伊川之誼。終邑庠增生。二君制藝亦並有名云。

陳茂才標字樹高。從學于余。其仲兄孝廉斗瞻字德星。姻家後輩。事余以師友之間。昆弟並力學能文。樹高早遊庠。年未五十。齋志以歿。德星早食餼。貢成均。舉乾隆戊申鄉試。年五十餘矣。後館海鹽。年六十。以松林伴鶴圖照索題。余為作七言長歌。未幾卒。遠近莫不惜之。

東郭詩人自張荔園前山外。尚有沈君國器字懷方。號晚園。工詩。有腋成集四卷。皆集唐詩也。其尊人老諸生。且揚。更率子從學于余。人極馴謹。惜年甫五十而卒。詩遊入阮。

中丞韜軒錄補遺君安貧樂道讀書之外好種花儵然自得人尤服其高致

東郭詩人尚有黃君炳字文蔚號縮菴諸生困于場屋工詩文刻有詩鈔四卷選古唐宋詩為兩間絕唱二卷年四十餘館禾中以暴疾卒士林痛悼之

附皴雲石記

查經伍初名伍史名省字伊璜字與翁又号東山崇禎癸酉舉人甲申後凡大半皆用體以查古篆款也或為左尹海昌人書言及山水

查伊璜先生號與齋一號東山釣史其過鐵丐吳六奇事王文簡池北偶談鈕琇觚賸蒲松齡聊齋志異蔣士銓雪中人傳奇諸書已詳其未詳者記之此石自粵東送至園花置先生故居沈墳山麓自後先生避亂硤川關萬石窩

晚寓杭之鐵冶嶺開敬修堂講學不復還家因王望觀察
培繼遷鹽移石百可園園為鄭端簡別業售于觀察遺址
尚存不知何時又售顏氏嘉慶戊午余掌教武原有百可
園觀綴雲石詩一時多屬和者至此事諸書不同雖漁洋
亦稍失實六奇字舊如家海陽原籍海寧順治七年由南
澳舟師偽總兵投誠其貧時不但乞食海寧且乞食他郡
習山川險易願為嚮導招徠傍邑自効十一年始授潮州
總兵統兵一千駐饒平加左都督十七年加太子太保康
熙三年加太子少傅五月病卒贈少師兼太子太師諡順
恪二子啓豐啓爵官總兵案吳興史獄在康熙元年則先

生粵遊在十一年後十八年前史獄後未嘗到粵也順恪
二子既貴頗諳文墨先生遂諱言此事令著錄稱門人此
則先生通變矣先生聰慧絕人兩目視兩冊能各十行書
法繪事並臻神品所至縑素堆積乞其近作兩僮雲此月
些聰慧悉記誦之人呼活錦囊先生著述甚多流傳者少
嘗見詩集六卷內有七律雁字八首梅花十二首惜未借
鈔遠道篇一卷暮年入都所作七律七十一首題最奇散
之為各首之題合之總錄成記又傳奇有妒者是梅花讖
兩種曾祥行未之見也先生妙解音律家畜女伶姬柔些
尤擅場廣陵汪蛟門製春風哀娜一闋以贈同里宗定九

知之見徐虹亭詞話毛西河亦有獨有染些頻顧影猜人
不欲近闌干之句可想其丰姿矣先生卒後妾蔣氏名宜
出家為尼號燈盞大師著有悟真錄先生之逸事如此憶
乾隆丁丑余濫竽志句草先生傳入文苑頗覺簡淨未經
俗筆改竄現刻州志然自嫌太略茲以逸事補缺丁丑查
巖門政昌志局同事言先生後嗣式微已極僅存一兩人
也今此石仍歸海寧題詠者未明源委爰走筆為之記去
申秋日松靄周春卷時年八十有四